

四庫全書

集部

欽定四庫全書

集部

元詩選初集卷六十六

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣周本忠

欽定四庫全書

元詩選初集卷六十六

庶吉士顧嗣立編

句曲外史張雨

雨字伯雨一名天雨別號貞居子錢塘人宋

崇國公九成之後也年二十徧游天台括蒼

諸名山棄家為道士登茅山授大洞經籙開

元宮王真人偕之入京璽書賜驛傳欲官之

自誓不更出往來華陽雲石間作黃篋樓儲

古圖史甚富世稱句曲外史至正間卒於開
元宮齋舍外史風裁凝峻趙文敏公一見而
異之授以李北海書法范德機以能詩名外
史造馬范適他出有詩集在几上外史取
筆書其後為四韻詩守者大怒走白范范
驚曰我聞若人不得見今來天畀我友也
即日詣外史結交而去由是外史名震京
師一時袁伯長馬伯庸楊仲弘揭曼碩黃

晉卿諸人皆爭與為友他日謁虞伯生虞問能
作幾家符篆乎答曰未也虞連書七十二家示
之外史下拜曰真吾師也自後與虞手札必執
弟子禮晚年尤為楊廉夫所推重吳郡徐良夫
序其詩曰虞范諸君子以英偉之才諧鳴於館
閣而流風餘韻播諸丘壑之間外史以豪邁之
氣孤鳴於丘壑而清聲雅調聞諸館閣之上雖
出處不同其為詞章之宗匠一也夫以方外詩

人而與館閣詞臣相頡頏寧非一代之盛歟

天池石壁為鐵雅賦

嘗讀枕中記華山閼中吳神泉發其顛青壁繚其隅春
風四山來羣綠互紛扶羽觴曲折行浮花與之俱採芝
搴薜荔洗玉弄芙蓉聲曳頗好名石窪作魚湖鴻乙志
草堂挑煙遂成圖而此滌煩磯閱世如擣菹發興雲林
子盥手與我摹居然縮地法挈入壺公壺

次倪元鎮遊虎丘

振屐稍踐危援藤遂支滑尚餘金玉氣山川相映發小
吳不滿眼軒中樹如髮花覆闔閭城石繞生公榻適與
幽人攜及茲莫春月坐久得忘言移鞦蔭清樾

夕佳樓

西山朝爽氣南山夕氣佳朝爽人共忻夕佳吾所懷山
僧閱世久結廬深避乖蔥樓將對峙菌閣亦雙排維南
列崇阜不受煙嵐霾我亦遲莫人心跡倦鳥偕茲焉寄
高躅庶與靜者諧

題墨蘭贈別于一山之京師

三月愁送客春寒雨如霰冥冥返塞鴻悄悄棲梁燕揚
帆五十日蓬萊望中見欲持猗蘭操一奏南薰殿

張師夔畫謝池塘

春風颯然至幽人午夢醒遙見池塘綠不知春草生如
何騎馬客亦向夢中行

濱洲雲巢圖

張彥
輔畫

蒼山不受寒裏以白兜羅借雲以為煖我意不在多小

營丹鶴巢高樓翠雲柯飛仙度鸞笙老人臥雞窠誰能
江海去風雨一漁蓑

寄題劉彥基丹室

昔聞沖虛宮遠在錦江頭往來多異人東望不可求借
問鴻寶書枕中今在不尚餘一丸藥光景夜不收食之
生羽翼飛去十二樓下視何蒼蒼至情難久留我將拾
瑶草遲子於玄洲

次韻晉卿翰林贈陳秉彝

金華黃太史出為儒臺冠詩文齊六經竒古誰敢傳如
掇明月珠妙在九曲穿而子工筆札狗監非所薦挈之
登龍門果獲尾時彥孜孜勤執經矻矻勞染翰敏手不
暇給精華且屢換憐才吾輩事子乃羞自獻由茲數來
往無事輒相見湖嶺錯紆煙霞爭變幻一夕快雨餘
春物已消半言歸天台奧俄頃語離散此手不易執明
日柁樓飯迢迢望白雲瀑布聲許悍赤城跨滄海朝霞
以為岸儻遇仙者徒勿易樵牧賤予衰志求道千載猶

莫旦老經三百家一一理殘卷霜毫犯冠籜墨汁滓衣
汗何功使願果盡力輸老腕子書能瘦硬淚眼秋隼健
唯餘篋中字照我目光爛送子望崖返回目窮海甸春
夕豈不短反側移漏箭纔夢金庭遊還逐濤江亂洊知
家庭樂旭日陰始泮身扶老人杖衣憶慈母線還期當
及時遲子秋水觀栖栖寡儔侶孤坐至日晏追步太史
作用以申繾綣

遊龍井方圓菴閱宋五賢二開士像

獨尋招提遊果得世外歡
昔賢所棲集畫像藏屋端
山僧啓鎖魚不待啜茗乾
修廣各異製精采俱生完
堂堂蘇長公英氣邈難干
筇杖紫道服天風吹袖寬
清獻薄鬚着示我鐵肺肝
尚餘所施物片石櫛而寒
侍郎胡金華高拈侍中冠
着閒可容掌手版出中單
潁濱與淮海秋色亞層巒
參寥獨緇衣領髭茁茅管
最後辨才師文茵高座安
空山一室內舉目皆龍鸞
再拜傾挈壺喜極重悲酸
去之三百載歸路何漫漫
斯人為列星下視蟲

沙繁寧不念學子道術救彫殘抵舍亟摹貌微哉難控
搏夢中儻未遇展詩時一觀

無波古井水

古井何泓然不食自甘冷去來絕攀緣挽斷轆轤綆唯
有中宵月圓中時照影

清權尊師集中覽庚戌見裏一詩感念今昔自傷
之情

天既勞我晚不如早息我奚止七不堪于世無一可空

山酒半瓢禿髮花三朵平生仲長統誰能曲如鎖

種樹

植梓五十本移松八百栽山靈借好雨侶為道人來青
意爭鬱勃細聲亦吹洒松如稚子長梓長未盈把吾衰
詎能待將以蔭來者

三月十三夜對月

幽篁不見天沉乃見月色晴來春尚佳豈不有餘日離
離花氣上稍稍簾陰直啼鵲夜不眠聲欲碎岳石聞聲

思逾寂悟賞在茲夕

獨行

春泥未成沙曳屣柔且平春風不鳴條振衣涼且輕我
意本靜愜中林便獨行松蓋無曲影水樂皆全聲踽踽
迫前岡悠悠度斜阡老樵眼如貓見我不問名直贈金
光草疑是古先生

倪元鎮玄文館會飲

親知貴浹密屢此良讌會堂陞自崇廣促席歸臥內說

詩盛使氣屈折高李輩更端輒笑謔知節已沾醉玲瓏
簷花亂蕭屑風竹碎政使韓伯休移牀夜相對

奔月卮歌荅鐵雅所作

璧社明珠奔入月脫殼政似風蟬潔漁網出之不敢視
滌盡含沙光不滅文昌四星吞在腹一一金晶大如菽

蜃物還來作飲器日夜雄雌繞林

一作虹
互茅

屋一扇桃核

寬有餘半葉蕉心卷未舒飲非其人躍入水怪雨盲風
生坐隅置之天上白玉盤斗柄挹酒長闌干李白跳下

鯨魚背持勸我飲相交歡幽宮馮夷為予泣酌盡海水
百怪出還我平生老蚌胎許君醉臥鮫人室

玉笙謠為鐵門笙伶周奇賦

我有紫霞想愛聞

一作君

白玉笙懸匏比竹無靈氣昆丘

採此十二莖鳳唼銜明珠鳳翼排素翎金華周郎妙宮
徵子晉仙人初教成月下吹參差羣雛亦和鳴緱氏山
頭白雲起七月七日來相迎長謝時人一揮手飄下滿
空鸞鶴聲

墨龍

高昌世子寫墨龍此龍乃出開元中東井水與天河通
龍下取水遺其蹤道人識為黑一作墨帝子逃入世子之

筆鋒井頭夜半飛霹靂元氣淋漓雪色碧一鎖銀牀五
百年纔點目睛生羽翼

聽雨樓

雨中市井迷煙霧樓底雨聲無著處不知雨到耳邊來
還是耳根隨雨去好將此語問風幡聞見何時得暫閒

鐘動雞鳴雨還作依然布被擁春寒

遊惠山寺

水品古來差第一天下不易第二泉石池漫流語最勝
江流湍激非自然定知有錫藏山腹泉重而甘滑如玉
調符千里辨淄澠罷貢百年離寵辱虛名累物果可逃
我來為泉作解嘲速喚點茶三昧手酬我松風次兔毫

趙千里聚扇上寫山次韻題

翠水丹山氣磅礴幾疊香痕經手握何年破鏡飛上天

吳淞水翦并刀薄江南寶繪多遺餘王孫不歸恨
薜蘿
薜蘿消歇秋風起班姬為我歌烏烏

王時敏聽雪齋

頑寒顛顛河流澌銀濤鐵騎交奔馳瓏玲浙簌瓦溝滿
坐窗已有幽人知東家暖客紅醅凝嘈雜新聲迷聽瑩
後園壓折萬琅玕雪多政自無人聽我時空山夜寂寥
風簟雪竇篩瓊瑤希聲疏越不可盡鳴球戛擊如聞韶
憶昔齋居困學翁大書聽雪煩楚龔百年勝事將無同

不傳師曠傳王恭鶴氅明朝行雪裏須辨龍頭煎雪水
牀下何人聞鬪蟻喚起春雷來洗耳

用韻送淨月上人

陰崖顛風無時興篁竹偃地虎晝行斲冰積雪臥空谷
春至唯聞禽鳥鳴華陽南便洞窗小香煙西放蛾眉道
神僧問訊破孤寂把臂入林一傾倒帕頭蒙寒驢背馱
泥滑穩于杯渡波寄謝少年王敬和獨行其如法汰何
效隱居擬古樂府寒夜愁

夜寒生羣獸驚寂兮寥兮栖遁情陰宮漫漫落葉平岡
頭霜月弄微明寒漏澁寒絃緊愁腸結一作斷愁語盡人
生異木石思來誰能忍

次韻率性來山人見貽之作

南峯後靈石前嵐霞蒨絢爭春妍貧家客來淨埽地亦
有一瓶紅杜鵑東坡七過山南塢山人能記坡翁語君
方騎馬聽朝鷄為我入林來聽雨雨聲吹斷聽松聲怪
石長松為友生憐君慰我支離者不飲向人空復情我

如病馬離羣去君如伯樂能相顧羊羣好在金華山夢裏相逢猶識路

早春對雨雜言

寒谷望春如望赦雨雨風風惡相嚇牀頭敗絮未嘗溫石上瘦花渾欲謝三時儘辨禽鳥鳴合澗助為風水聲白水田頭漫無路老稚種麥已青青朝晴獨見扶犁叟人生合作無犁耦不須識字只耕田酒杯也到扶犁手

風雪中得金陵諸公詩二首

雪作衆禽驚窗幽亂霞鳴愕然身獲落莫矣歲崢嶸松
竹聊娛拙乾坤若忌名故人不相貸書札到柴荆

落木從風靡支流趁谷斜山空不須說歲去若為遮飢
雀擣窗紙寒魚嚼雪花推書更清坐席煖到昏鴉

湖寺擁碧軒

喧寂一塵隔湖濱出寶坊荷陰分補衲水氣雜燒香書
勘烏皮几茵數白氎牀從來已公屋詩客許徜徉

寄洞庭王子正

一作聞洞
庭之勝

洞庭山似簇銀闕翠芙蓉安得滄浪子同尋縹緲峰魚
龍隨水落橘柚待霜濃未必桃源似雲帆躡去蹤

齋居偶興

絕澗多靈石中開小洞房醉醒依竹素晴雨看梅黃樹
暗鶯聲澁巖虛水韻長未能超賈馬自足上羲皇

午日簡楊廉夫

客有擁琴至吾寧折簡招足音垂谷口雨氣截山腰酒
情紅泉瀉花為絳節朝不嫌泥濘極一舸段家橋

雨中

推枕遽然覺高齋人跡稀
卷簾芳草短看雨杏花肥
薄莫寒仍在中林願稍違
一遷隨谷鳥喬木是耶非

除夜

忽忽歲云莫徒興白首嗟
山留待伴雪春禁隔年花
把卷因遮眼分餽且膠牙
自緣身懶情莫遣送窮車

澗北梅三月始華

陰澗殘梅枿臨流一向歌
但存孤注在敢恨一生遲
凍

雨如相煦春寒不受吹後時翻見獨宰物遂成私

菌閣

巖架菌芝閣榜題松雪扉雲來畫簷宿龍向墨池歸對
几琴三疊倚闌山四圍仙靈能夜降應得噉玄機

早秋

每嫌新酒少尚喜故交稠籬落三家墅梧桐十日秋月
生微顧兔星淡沒牽牛亦欲觀多稼江湖雨未周

開元真人見貽劉商觀奕圖石刻毫髮布縷皆盡

精妙蓋李龍眠臨唐畫本茅君彦模勒為玉局

仙翁所藏

薪桂蘇蘭者能來立坐隅徒聞玉楮刻遂信石枰圖妙
蹟傳仙李高名重大蘇向來林下意不敢易樵夫

書懷二十韻奉呈虞集賢

昭代千齡運斯文一柱功初當延祐日晚識廣陵公朝
士因推轂先生猥擊蒙睽乖遺廿載寤寐接孤風太史
山川彥仙儒館閣崇置身清切上用志杳冥中句法黃

初過才名冀北空朔南馳使節江漢借歸蓬酒問餘杭
姥泉尋六一翁境非秋水觀寺即紫微宮侍坐要王遠
移家近葛洪於焉承欬唾足以振罷癯卓爾身為貴胡
然老見攻戰肥終道勝德重豈途窮玉趾閒迂步麻衣
病鞠躬茶煙窗冉惹墨沼樹玲瓏飢甚無瑤草招來有
桂叢輸心何落落把袂輒恩恩易進乘軒鶴難追戲海
鴻明朝去吳會長笑為誰雄

元日雪霽早朝大明宮和辛良史省郎廿二韻

并

序

延祐改元三月民瞻石宰相遇京師承需鄙作且辱
先施之惠林下朽生不能造館閣綺語幸于言句外
求之愧悚而已

纔設中庭燎俄看密霰飄歲開環甲紀星動指寅杓鳳
集天門榜珂鳴月殿橋卿雲同四表和氣集三朝陛級
肪初截雲層玉旋雕句陳分彩隊步輦簇青腰積屑承
盤重吹花到笏消逶迤光斧座凌亂綴珠翹樂共爐煙

合班隨翠袖招閭風游廣漢玉局道逍遙北戲魚龍舞
中岳虎豹調旌旗攢鬣冠劒掠招搖穆酒曾觴母洪崖
及見堯萬年臨紫極一日慶璇霄朝會儀如此騫騰意
頗饒身唯參寂莫世豈絀紛囂姑射消疵癘蓬萊倚泐
寥瑤華攬戴勝珠樹引回鑣有術揆鴻寶何人識爨焦
竟須窮海岱直擬並松喬書就神牀寫香從別室燒憐
君守華省琢句廢春宵

馬塍新居

浮家泛宅意何如玉室金堂計未疎歸錦橋邊停舫子
散花灘上作樓居澹然到處自鑿井玄晏閉關方著書
但得草堂貧便足人間何地不樵漁

西湖放鐙

共泛蘭舟鐙火鬧不知風露溼青冥如今地底休鋪錦
此日槎頭直掛星爛若金蓮分夜炬空于雲母隔秋屏
却憐牛渚清狂甚苦欲燃犀走百靈

次韻段推官觀潮

雪濤卷入白螺杯雲夢吞將豔潁堆陳馬直從天漢落
颶風先自海門來青山一向開銀壁黃縑中央立露臺
好在畫圖畱壯觀江頭白首不堪回

贈組掄大監

論卷聚書三十萬錦江江上數連艘追還教授文翁學
重歎徵求使者勞石室談經修俎豆草堂迎詔樹旗旄

也知後世揚雄在獻賦為郎媿爾曹

請以蜀文翁之石室揚雄之墨池杜

甫之草堂皆列學宮又為甫得諡曰文貞以私財作三書院徧行東南收書三十萬卷及鑄禮器以歸虞奎章

記其事邀予
賦詩如上

老學齋書懷寄京師故人

手種羣松數尺圍
草深南澗客來稀
一經斷送垂垂老
萬事安排念念非
晨待樵蘇才蓐食
涼驚絡緯尚絺衣
蓬萊坊裏清宵月也到山家白板扉

晨興

聊與梅枝說歲窮
真成古木共衰翁
百年勲業何煩爾
一世雲山不負公
寒夢漸消窗影上
春容已在雨聲中

晨興陡覺詩神王未放韶華角長雄

次韻虞公和斷江和尚種松

松下微吟愜病悰支離潦倒侶支公頂因巢鶴翻成結
心為依禪畢竟空陸子壇前春古淡葛洪井上雨青蔥
茯苓乞與楊員外誰復緘詩過浙東

遊華藏寺

湖上亂峰如髻鬟湖邊才子駐春鞍霜餘鸚鵡沙汀淺
日落麒麟墓道寒古壁風簾無盡意清尊雲海有餘歡

遠遊未羨鷗夷子直向飛仙乞羽翰

馴鷺

孑然馴鷺雪霜明下瀨求魚自在行
碧玉銍藥雙足瘦白麻衣袂一身輕
海鷗見事應何晚凡鳥題門也不情
輸我鴛行舊儔侶舉頭寥廓總雲程

題雪景三香圖二首

春雪無聲入畫堂東風渾似北風涼
祇緣何遜題詩少信是徐熙落墨強
青鳥下迎羅韞步蒼髯來近玉臺妝

匡廬也入幽閨夢睡裏山花各自香

雪羽飛來雪意濃國香狼籍暝煙叢倩誰與翦吳淞水
愛爾能吟桺絮風翠袖佳人玉跳脫平頭奴子錦熏籠
劒南畫手看前輩著粉施朱或未工

范以善雲林清遠館

華陽一作雲林范監居幽眇不到玄窗未易逢山氣半為湖

外雨松聲遙蒼嶺頭鐘常聞神女騎龍過亦有仙人控
鶴從安用乘流三萬里小天元在積金峰

盧疎齋集

并序

盧疎齋集宣城校官本讀之一過生氣凜然有懷哲

人援筆而賦

人物西清第一流曾看繡斧下瀛洲難求冀北千金骨
空載江南數斛愁小謝夢無青草句大蘇詩有景蘇樓

敬亭依舊蛾眉月付與盧敖

一作騎鯨

汗漫游

書東坡先生畫像

峨嵋秀色杳難攀玉局仙人不受閒南斗日躔

一作辰

韓

吏部西湖風氣白香山寧

一作從

教刺舌奸邪黨可惜低

頭侍從班試

一作更

問東坡鐵拄杖于今海上未曾還

經碧浪湖奉懷吳興公

湖水秋空玉色勻蕙葭纖

一作殘

雨上

一作洒

綸巾重來羊峴

誰沾淚却顧龍門不見人獨放酒船尋鱸具誰容狂客

吐車茵西風白羽元非用只為人間苦

一作善

障塵

舟次瀟湖用柳博士夢薛玄卿詩韻寄倪元鎮蕙

懷鄭明德

遠思重逢茅小君香銷酒盡路三分五湖歸思浮天水
一霎秋陰過雨雲桺子篇章渾可法花奴絃索共誰聞
惟應自洗唐溪石填得金泥小篆文

次韻劉伯溫御史春遊

草木幽馨澗道微白雲拄杖去如飛獨尋玉女洗頭處
相伴仙人採藥歸幾疊翠微淡杳杳一簾紅素亂霏霏
何堪酒債兼詩債老却江南白苧衣

題范德機編修東坊藁後

一編上有東坊字慚愧詩中見大巫直想瘦生如飯顆
竟從癯處得麻姑咸池水淺孤黃鵠空谷天寒病白駒
擬共風流一作西風接尊酒祇愁塵土沒雙鳬

二月病懷

煮藥香中聽雨眠都緣未熟養生篇雪消春水淡三尺
日上花陰過幾軒世事悠悠高枕外衡門寂寂暮霞邊
自慚病鶴摧頽甚却顧雲霄意悄然

吾愛吾廬

吾愛吾廬聊復爾眼前白石與蒼苔水從林木陰中過

風自房

一作簾

攏曲處來薄有餘情歸竹素竟

一作都

無長

物受塵埃先生閉戶成真

一作真成

嬾詩債敲門不厭催

乙亥二月還錢塘書懷寄劉師魯

黑頭時與王孫別春草又生天一涯貧甚馮驩猶有缺

歸來丁令已無家葑田湖窄殘舟

一作遊船

少墓道山荒剩

一作墳

屋斜還憶菌巢書數卷雪麋應護手栽花

雪麋玄洲白犬

也名

荅楊庶夫

黃篋樓中惟飲酒樓下長溝鳬雁多溪頭橋斷浮青草
湖面風來生白波饒奴竟煮脫裯筍老魚戲啞如錢荷
詔書寬大到海角河北飢民一作爭倒戈

十二月五日雪晴

丁亥

日光玉潔千峰立快雪晴時一氣凝當畫鑪亭催掃巷
犯寒魚榜借收冰松皮石裂號飢鼠窗隙塵消觸凍蠅
青茁菜芽渾可愛倩誰春餞卷紅綾

送鄭明德適越

四十日春廿日雨問花隨柳意茫然竹根臥瓶高筆塚
竈下生薪連朮煙茅家名餘鐵鑪步龍井氣脇金沙泉
稽山酒船速回櫂遲子歸來烹蕨拳

虞先生送張元朴回龍虎有云麈尾每懷張外史
鵝羣今屬薛玄卿元朴索次韻

想見先生戴笠行黃茅岡上看陰晴承聞祖道同疏傳
鄙說還鄉侶長卿海內好詩元自少江西行李不嫌輕

謫仙愛與元丹語煙子而今亦有名

鐵笛道人新居曰書畫船亭作詩以寄

蘇州去訪揚雄宅近水樓居似月波東府官曹知者少
西山爽氣望中多臺招天上仙人鳳池養山陰道士鵝
誰和涼風次鐵笛莫愁艇子柳枝歌

新栗寄雲林

竭來常熟嘗新栗黃玉穰分紫殼開果園坊中無買處
頂山寺裏為求來囊盛稍共來禽帖酒薦淡宜蘸甲杯

首奉雲林三百顆也勝酸橘寄書回

荅董子羽見寄

清都聞已住多年鶴駕鸞驂與後先
闔闔五雲宮樹暖蓬萊初日羽衣鮮
神仙翰墨唯皇象史館人材總孟堅
天上春風如舊識殷勤吹送寄來篇

秋詞

此首重見
梧溪集

香散天街靜玉珂水臺風殿夜如何
星從河漢淡中落一作秋在梧桐疎
處多鸞影不曾離寶鑑蛛絲先已墜

金梭君王繭館詢遺事却擬鸞車共載過

吳興舟中

茗溪斫鱸腹偏腴取酒烏程清若無最憐楊柳破二月
絕勝蛾眉遊五湖船頭濯足畏魚淦港口卸帆驚鳥呼
林巒在處著舟楫儻有剩田吾欲租

題彭大年禱雨詩卷和仲舉韻延祐己未開玄道
院作

羽衣秋薄翦湘荷茅屋山宮補綠蘿白石資方青飢飯

洪崖借乘雪精驪松雲暖憶春游岳冰草寒憐曉渡河
使節南歸如見念峯頭笙鶴好相過

次韻題呂氏園館

因向雲間求二陸西施浦口弄雲沙東風勒住螭頭舫
湖雨吹開繭粟花到處華房通曲密舊時醉墨悞敲斜
一聲歌板銀瓶側亦見玉童雙髻鴉

再次韻實喇卜郎中春遊二首

楊柳三眠午未醒楊花飛雪散星星海中蜃氣春浮島

月下胎仙夜降庭尺素書來雲錦織紫鱗躍處浪紋腥
樓前政有三株樹翦斷西山一半青

鄰近桃源雞犬家不緣迷路得看花衣裳總溼三危露
服食惟消五色霞鶴塚浪磨崖上字漁舟潮閣渡頭沙
石盤棋子都狼籍莫向人間問歲華

八月十五夜待月

移牀露坐閒臨水浴鵲灣頭足芰荷秋已平分催節序
月還端正照山河老憐宋玉生悲思狂憶桓伊作浩歌

雲漢茫茫一卮酒白頭慚愧古人多

春將過半病懷索莫惜無可與言詩者得句自遣

山澤癯者云

一一花栽繞屋廬半春多病意何如綠詩太瘦終無補
與酒全交漸要疎硯席留香非長物齋庖得筍是佳蔬
鶴羣呼喚來同飲新綠濺濺已滿渠

女仙江靜真碧遊仙詞

衣斂符圖有子傳生如孤鳳蛻如蟬方畱橘葉聊供母

誰信桃枝已得仙

張桃枝漢司隸校尉朱寓季陵母也
行陰德久聞在易遷得為侍郎事見

真蕭索簾幃通素月玲瓏環珮曳空煙麻姑壇上花姑

老相共乘鸞欲著鞭

碧筒飲

採綠誰持作羽觴使君亭上

一作竹林人共

晚尊涼玉莖沁露

心微苦翠盞擎雲手亦香飲水龜藏蓮葉小吸川鯨恨

藕絲長傾壺誤展淋郎袖笑絕邪溪窈窕娘

上京賜宴王睂叟有詩次韻

從事何緣過草堂行都遣賜玉壺方遠勞使者紅塵騎
爛煮仙家白石羊中聖敢辭千日醉承恩獨許四明狂
金莖賸有三清露潤及葵心向太陽

鳳凰山懷古

江右夸吾浪得名豫州英槩亦沈冥夕陽枯木山如赭
秋雨荒臺草自青漢苑玉魚誰復葬昭陵石馬亦無靈
可憐白髮商人婦猶向鐙前話後庭

次孫大方仙興詩韻

仙仗來時瑞霧屯真人玉女侍靈軒
亭亭珠穗香煙直爛爛扶桑玉色溫
花雨埽塵鸞帚溼島雲承鞞蜃樓昏
至今星斗天壇夜望拜青都虎豹門

送人之茅山

桃竹齊翁草屨柔江雲曉溼木棉裘
茅山一去五百里楚月相望十二樓
林下甌香黃獨月松根鉏冷茯苓秋
藥瓢料得歸來滿多病微軀我亦求

雨裏郭子昭御史

洞戶霾雲晝不開
大茅南面水縈迴
溪山此日蛟龍喜
舊雨故人驄馬來
澗道浮槎高寄樹
石幢陰篆溼生苔
銷愁底用金陵酒
賸引窪尊枕瀑雷

寄倪元鎮

雨水初寒雪復作
春風相欺何太顛
誰依井竈皆獸迹
獨擁書冊猶鳶肩
枸杞埋根乍難斲
櫻桃放花殊可憐
賀監宅前舊游處
快放柳條維酒船

次韻元鎮見寄

衣桁常容蛛網縣石牀渾讓女蘿牽道術何煩孔郎祀

一作廟

屋廬政用郝超錢泉崩澗底歸樵路雨壓廚頭蒸

木煙誰見西鄰拆書夜一枝風竹鷓鴣眠

懷茅山

我有草堂南洞門常時行坐虎同羣丹光出林掩明月

玉氣上天為白雲遙憶田泉洗蒼朮更思陶澗采香芹

歸來閉戶償高臥莫遣人書白練裙

西湖竹枝詞序稱伯雨詩俊逸清澹

濟輩鮮及有如丹光出林掩明月玉氣上天為白雲不目之為仙才不可也

梅雪齋雅集分題得酒香

釀郁芬香味更嚴甕間飄滿讀書簾絕勝金鴨薰花氣
錯認山蜂釀蜜甜三嗅初令消渴止一中定埽宿醒淹
醉翁鼻觀還親切不待狂僧寫布帘

唐僧懷素有
草書布帘帖

次韻荅吳興黃伯成

行盡松陰黃葉株三叉路口問茅廬青山對語惟捫蝨
落日催歸獨跨驢土木形骸嵇叔夜波瀾文字木玄虛
殘年記得相存問莫道天寒無鯉魚

贈別休休菴了堂上人

老僧十年不出戶
袈裟搭架風披披
祖衣留在阿蘭若
佛法傳過高白麗
客牀雪鍊一甌茗
經藏苔昏三尺碑
不向舊房看偃蓋
卷中原有古松枝

春溪曉渡

怪底朝來雲氣升
雨晴洗遍碧磴礧
山腰行李去未遠
谷口人家呼渡應
彷彿簫臺凌鳳吹
安排春水理魚罾
臥游已愜平生志
溪負牀頭六尺藤

雲林席間懷鐵笛簡草堂

花朝無花也可憐桃李矜持不作妍
爛聽雨聲眠白晝
夢乘艇子上青天閒居尚庶浮雲志
老病難趨卜夜筵
絳帳先生惟寂莫後堂自理琵琶絃

丹陽道中觀稼

行遍山東黃葉村縱橫草路細難分
荒雞戶暗蟪蛄月
落鴈天黏穠稻雲下澤車傍縣酒榼
延陵詞畔讀碑文
空山更覓牛羊逕入獸依然不亂羣

鄧學可留穀城戴堯文許雪中書寄二友

鈎簾坐對西山雪
茵閣前頭正向陽
剡水堂時元有戴
穀城今日可無張
披雲松樹鱗鱗溼
瞰屋山泉角角方
染就綠霞春帖子
不妨青鳥便銜將

賦西塞山送趙季文湖州學錄

往來茗雪舊山川
流水桃花思杳然
溪女浣紗春雨後
仙人把釣夕陽邊
漁歌未用朝廷覓
惠政先繇隱逸傳
不信青衫浣塵土
水晶宮裏住三千

風雨近寒食未已

一榻清寒戀舊牀，無言桃李不成妍。
柳長漸礙螭頭舫，雨重渾迷卵色天。
誰向侯家分賜燭，自依丹井食新泉。

海南上已才登塚

見坡語

忍待晴泥埽墓田

和馬伯庸御史春游

山巾墊角雨仍斜，歲歲春風換鬢華。
湖口水香魚關

食冷客思家，鷺峰埽石繡經葉。
龍洞分符調井花

關

城郭莫辭紅猶帶臉文霞

次韻張仲舉題宋周漢國公主甲第圖

主家樓觀蔚參差，想是當年全盛時。
宮草細分乘輦道，林花淡隱泛舟池。
瑤臺仙去塵生海，甲帳神來風滿旗。
好在畫圖留勝蹟，五雲長護鶴笙祠。

廣陵有寄璫花詩丐余次韻

未信人間日易斜，攜春來問列仙家。
情知后土無雙樹，迷殺江都是此花。
芍藥漫吟紅繭栗，璫兒從盼玉蘭芽。
一壺闕 樊川老醉寫烏絲，側帽紗。

自笑

自笑推顏如病鶴羽衣仍復會婆婆已栽斑竹將扶老
更翦蟠枝作養和驟雨欲來移蟻穴落花多罷分蜂窠

裏頭粗服春官老不道丘園自一科

唐有高蹈丘園
逸倫屠釣等科

送朱伯賢茂才之金陵

句容山邑長官清此日況逢賢友生按牘勞人煩慰藉
風塵為客話經行寬裁白苧游蕭寺近覓青驪過冶城
能賦鍾英懷古昔一時驄馬盡知名

題陳琳摹董源漁樂圖

小筆誰臨北苑圖
蘭亭玉枕最難模
連峯秀樹深還見
隔浦荒雲遠欲無
泊向小孤緣愛石
望從青草別名湖
濠梁逸興如相借
暫卸南風十幅蒲

孤山即事

笑撫湖山迹易陳
先賢祠宇一番新
玉魚蔓草多無主
白鵲秋天迴有神
曲港穿衝花外騎
赤闌扶約水邊人
岡頭檢點枯梅杳
獨是先生肺腑親

素華臺

素華臺榭壓崑丘，
沉近仙家十二樓。
白裏淡蟠龍虎氣，
空中遙接鳳凰遊。
瑠璃研水偏盛月，
雲母屏風不隔秋。
姑射山中有冰雪，
神人願與國同休。

六月六日步過白蓮峰眠食盡日而回

瀝瀝堦除走暗泉，
入厨新溜動厨煙。
蚤來燕坐齋中飲，
夢在山光寺裏眠。
石脚儘盤千个竹，
樹頭未動一聲蟬。
此中長日誰為伴，
海岳菴詩在枕邊。

猿臂笛

三峽家山已隔生一枝玉骨尚堪橫攀援遠侶穿雲曲
吟嘯高于噴竹聲栗葉霜黃天竺夢梅花春老玉關情
伶倫且為相娛樂誰問將軍善射名

夏商隱還京師

扈蹕行營三十載王門不肯曳長裾閒從月里先生飲
與說圯橋父老書花外飛丸紅叱撥月中采藥玉蟾蜍
殘骸尚有刀圭分會向南山訪敝廬

和率性大滌十詠

錄六

雲根石

石色斑斑野鹿胎
石身渾裏夜明苔
直將瑞氣穿龍洞
不比游塵汙馬嵬
巖下松枝同不朽
月中鶴駕合頻來
君看怪石英雄坐
寂莫于今臥草萊

龍洞

怪石蜿蜒驅不動
自從開闢鎮重坤
雨聲多在南山殷
雲氣都令白晝昏
百尺潛蚪窺海眼
一杯流水浸松根

有時急

闕

天符下故遣靈人夜叩閣

鳳洞

第幾峯前蒼玉洞何年于此鳳求皇
梧枝宿久毛皆變竹實餐多髓亦香
露溼紫苔春侶錦月明丹穴夜生光
我亦鵷行舊儔侶雲中有路共回翔

翠蛟亭

誰見蒼龍劈石開此峯元自勝飛來
闌干截斷山頭雨
顛顛翻將地底雷寒甚抵疑雲是雪
霜餘每恨葉成堆

坡仙獨對無言說慚愧搜詩日幾回

丹泉

涵淳萬象一泓中欲挾靈源未易窮丹窖久埋泉眼赤
珊瑚長浸石頭紅評來水味羞揚子收拾砂牀贈葛洪
一醉流霞三萬日年年分給羽人宮

天柱峯

此峯屹立浩無前信是人間別有天銅柱何煩天北際
蓬山寧在海東邊采樵巨嶺多無骨擣藥靈禽或是仙

老我不能為狡獪峰頭看月幾回圓

祀五先生景行莫君為遨頭詩以記之

洛中諸老今誰識飲少年高聽細論百五日前花送雨
十三樓下水侵門嶺霞栖向仇池穴春鳥啼將蜀客魂
方外歸來羞禿鬢也容鄉社割雞豚

金陵僧來聞笑隱住持事繁風雨有懷

憶曾共坐繡經石語我松華壓酒方一自宜城居輔國
幾時天竺話連牀栖栖春草元桑楚歷歷風鈴替戾岡

乞得江東今夕雨與君聊洗夢中忙

後魏沙門法果為輔國宜城子加侯

封蓋浮屠

爵秩之始

閏三月三日北山看花不與盟

應笑黃花厄閏時後三仍復負芳期老無劉几簪花分
閒有陶潛止酒詩穀雨林中先紫筍鬱置山口足黃鸝
韓湘自倩奴星去袖得瑤臺第一枝

形影

形影胡為樂此留山川映發思綢繆歌長杯酒母多酌

世短何人第一流
弟子受經猶北面
樵青分屋自西頭
下方悞識金銀氣
直倚崆峒一劒秋

古意

吳綾光纚纚
織成鯨掉尾
美人不敢裁
恐觸波浪起

夜思

空山嘈夜雨
幽人坐惆悵
今夕楚澗泉
明日秦淮浪

奚官洗馬圖

曾侍赤墀東
天池看浴龍
晚涼湖上夢
猶立柳陰中

玄洲唱和

并序
錄二

茅山玄洲精舍左右真仙古蹟曰菡山羅姑洞霞架
海鶴臺桐華源玄洲精舍紫軒火浣壇隱居松玉像
龕至治二年壬戌歲道吳興溪上與松雪學士倡和
十絕以記其處仍書刻石以為山中故事

羅姑洞

事見
真誥

九疑得道女受事易遷家詩贈金條脫人逢萼綠華

鶴臺

靜夜颯靈風神君語帳中至今雙白鵲時下五雲峰

王若水梨花山鵲

山鵲語查查驚飛白雪花清明人載酒寒食客思家

芍藥白兔圖

妥帖紅雲朶迷離玉兔兒揚州行樂地惆悵鬢成絲

煙梅睡雀墨戲

珍偶偏憐瓊樹寒香漠漠紛紛誰見羅浮月黑一枝同

夢梨雲

絕句

二山環合一水中有老木參天不著幽人草閣誰收無
眼雲煙

湖州竹枝詞

臨湖門外吳儂家郎若閒時來喫茶黃土築牆茅蓋屋
門前一樹紫荆花

西湖竹枝詞

光堯內禪罷言兵幾番御舟湖上行東家鄰舍宋大嫂

就船猶得進魚羹

臘盡

小雪初晴臘盡時無窮梅柳怨開遲
人間不覺春來早只有吾家布被知

山中客夜

鞍馬南州五日程豈知物外有茅亭
塵埃暑困人如醉月露夜涼天亦醒

元統元年冬十一月句曲外史菡山巢居成製十

小詩以自見錄呈華陽隱居資一捧腹

錄四

望見飛檐松杪花下盤陰洞石聳牙老樵迷路疑

一作驚

相問若箇江東道士家

谷中僅僅

一作有

一巷住壇上累累白

一作唯餘數

石陳杖隨

流水過鄰舍席與長松分主賓

但倚茅君為座主從稱外史使官銜道家六經發願寫

淡向石頭藏一函

屋壁

一作頭

置書碑版多雄白

一作白

虹光怪鳳凰阿

玄洲地名

看

到空一作淡山十日雪竈突無煙奈爾何

松下淵明為鄭明德作

歸來不為督郵輕自為松根長茯苓博浪金椎拈不起
倚鋤却讀相牛經

次韻荅薩天錫見寄

推敲指點據吟鞍苦為搜詩夢不安誰會鳳凰臺上意

手援黃菊看鍾山

外史詩又載臺掾薩天錫求識予面而之燕南八月十四夜風雨宿茵閣

絕句七首明日追送之其一首云巡官畏虎盛前呵驚動燕山薩照磨翦燭對牀詩未穩從渠醉耐問誰何又

云內臺最近燕南幕博士臺郎有此除山澤何當大人賦
寄聲多謝馬相如與此詩同是天錫在南臺時所作

凌波仙

春雲如水碧粼粼誰見凌波韞上塵洛浦湘皋都是夢

手中花是卷中人

仲穆墨蘭

滋蘭九畹空多種何侶墨池三兩花近日國香零落盡

王孫芳草徧天涯

葉靜齋草木子云趙仲穆者子昂學士之子宋秀王之後裔也能作蘭木

竹石有道士張伯雨題其墨蘭詩云云仲穆見而媿之遂不復作

偶成

黃篋樓中枕書臥雙鶴交鳴驚夢破青天墜下白雲來
卷簾一陣楊花過

墨海棠

漢宮愁絕冷煙枝

一作煙枝

一蘸劉郎兩鬢絲甲帳夜寒銀

燭冷六銖雲帔獨來時

東坡書蔡君謨夢中絕句二放營妓絕句三虞伯
生題四絕于後真蹟藏義興王子明家要予次

韻凡九首

日將公事湖中了醉入重城列炬明自古大藩財賦地
古人偏得賦閒情

謝女嬌吟雪比鹽北臺馬耳見雙尖衲衣政索歌姬笑
不道春寒繡被添

寫韻軒中塵不驚與誰同躡鳳凰翎綵鸞可惜情緣重
只合清齋寫道經

釵頭新綠荔枝紅那與江桃色味同聞道端明新進譜

一時殿閣起薰風

香辟春寒玉辟塵
流蘇斗帳醉和春
一雙明月都無價
寂莫人間第一人

江南在處煙波好
浪跡先生不上船
近就闔閭城下宿
可憐霜月夜娟娟

青城樵者一衰翁
寫罷烏絲滿袖風
消得玉堂金硯匣
至今傳入畫圖中

初碾龍團怯醉魂
分茶故事與誰論
纖纖玉腕親曾見

祇有春衫舊酒痕

白公種竹蘇公柳談笑功名後世誇
依舊對雲三萬丈
斷橋誰與築隄沙

山中

一枝石瘦如麈角六出花開似麝臍
隨意莓苔一杯酒
也勝騎馬聽朝雞

桂枝詞

桂樹叢生枝婀娜
糝黃雲欲成
朶薰醒秋衣
嬾下牀

金蟾嚙斷燒香鎖

馬遠小景二首

柳未藏鴉雪未消
春衫遊子馬蹏驕
去年沽酒樓前路
錯認桃花第一橋

玉砂卷海白模糊
千樹梅花埽地無
仿佛水仙祠下路
金枝翠帶不勝扶

緝熙殿御製墨梅詩帖

宣和妙賞縉衣句
傳在夷門作勝談
行殿春風四十載

王妃終老向江南

樓居春曉望玄圃

時寓杭州開元宮

子晉新宮倚太霞
繞湖煙火萬人家
觀臺一面無人處
日出煙銷都是花

遵道竹枝

簞簞谷口白雲生
雲裏琅玕萬玉聲
驚破幽人春枕夢
一窗斜月半梢橫

避暑圖

雪藕冰盤斫鱸厨波光簾影帶風蒲蒼生病渴無人問
赤日黃埃盡畏途

修竹士女圖

空谷佳人玉珮璫琅玕斜搭領襟長杜陵野老多才思
解道風吹細細香

題鶴亭所藏馬圖

九霄天馬俱龍種四十萬蹄雲錦斑一自漁陽鼙鼓後
不知幾箇到驪山

吳興道中二首

眠溪大樹不見日
牧鷺小兒兼釣魚
南風相送玉河口

舟子飯時吾讀書

扁舟偶趁采樵風
題扇書囊莫惱公
何處人間無六月
碧瀾堂上雨聲中

明德游仙詞十首用天柱山傳來依韻繼作雲林

道氣者觀之亦足自拔於埃壒矣

丙戌四月廿日

白玉之盤滄海東
蒼蒼下視遠如空
請看端正山河影

不滿砌堂杯水

鴻寶枕函雲積疊芝臺鑪火暖氤氲子能試喫青精飯
我亦聊書白練裙

夜久扶桑海色分珠宮望拜赤龍君洞庭未省君山在
元是崑侖一朵雲

藤蘿石上尋長跡金粟圖中見小身抖擻幾重衣祴看
情知不是散花人

龐見霓裳舞廣庭罷看三十九章經道人腰著金鴉觜

自向松根洗茯苓

右股清池足漚麻池中肥水是松花
早知魏帝一丸藥肯信東門五色瓜

恥作溪山服食仙伐毛洗髓故依然
木蘭墜露研朱寫只寫南華秋水篇

脚底琴生三尺鯉袖中阿母一雙桃
別時身動凌波鞵爛月如銀照夜濤

眼中自小薄蓬瀛日日雙飛下始青
夜靜明窗塵仿佛

定知草創大丹成

玉格金科自有期赤城何待遠尋師壁梭也解為龍去
樵斧如何只看棋

聽琴圖

裊煙石壁對孤桐與和長松瑟瑟風不為野夫清兩耳
為君留目送飛鴻

史局先生示以季境

闕

贈行卷輒題一絕卷錦

丁亥

校書苦借青藜杖下馬笑拈金屈卮好是淮南師弟子
錢唐相見落花時

三香圖

凌波仙子塵生鞵空谷佳人玉鍊容不奈天寒風露早
日高猶傍錦熏籠

絕句

白足過橋三峽雪蒼頭吹笛滿林風狂花也有凌霄意
飛上松顛爛漫紅

題理妝士女

誰見新妝出繡幃
辛夷花下六銖衣
莫教蜂蝶知踪跡
閒與鄰娃鬪草歸

玄覽堂絕句

簾櫳低亞小梅枝
快雪時晴綠滿池
鈴索不搖鸚鵡睡
客來假寐亦多時

題張溪雲畫鉤勒竹

為愛風篁手自摹
不煩把燭倩官奴
須當白戰篴簫谷

羞殺江南沒骨圖

金人出獵圖

小隊鳴笳曉出圍
地椒狼籍獸應肥
上皇久厭猩羊粉
故遣蕭郎擊豕歸

靈巖寺

我欲搜林覓硯材
誰將奇石半品栽
胷中故有涵空閣
好借君王辟暑來

次韻懷友

秋衣零落補紉多
翦盡西興半畝荷
寒到故人殊未到
不消湖上雁來過

春菜

土甲離離宿雨痕
畦蔬小摘當盤飧
紅綾餅餤殘牙齒
合向巖頭嚼菜根

春藥

紫甲紅牙玉滿闌
時分花雨潤斑斑
茯苓乍可來歸籠
遠志從來不出山

登善精舍葺治苟完七小詩以寫予懷

錄四

故山破屋誰來補辛苦經營拾燕泥
幾樹桃花相送老
不消更著子規啼

澗中采石重鋪徑坡上移花小築墩
深結雲嵐為保障
賸培松竹當兒孫

梓柳都移五十栽稚松千箇綠
穉松旁人莫笑千年計
萬一他時化鶴來

玉鉤橋水如凝碧才過牀頭寫瀑雷
恰是東風太薄劣

逆流花片出牆來

雲林畫

望見龍山第一峯
一峯一面水如弓
水邊亭子無人到
猶有前時躡屐踪

李商隱學仙

誰云有分不關情
淪謫千年為底名
消得權兒羊浣布
詩中唯數玉溪生

京師荅薛玄卿

重重城闕亂煙花只擬將身乞酒家
試聽御溝冰下水與君持底駐年華

三衢道中三首

大溪中道放船流船壓山光瀉碧油
三百里灘歌枕過買魚釀酒下嚴州

東風惡劇雨飛花被底春寒水漲沙
蘭茝溪香小回首一峯晴雪是金華

界道飛流山翠重杜鵑無語杜鵑紅
歸人一舸食新水

渾墮丹青便面中

燈花聯句

并序

永嘉李季和自金陵持趙涼公書來累宿茵閣下十

月三日夜天始霜殊寒兩燈並作花遂聯句于酒間

星閣迎寒闕霜鐘動夜擬

孝光

酒深燐木火漏下續蘭釭

寸草熒芝小

雨

丹葩瑞帶雙金枝交婉孌

孝光

銀粟亂髻

鬢螭結飛蛾笑

雨

膏融吐鳳懷永珠光透鏡

孝光

火齊幻

垂幢的的燁青瑣

雨

淫淫颭玉缸燭龍擎紫蓋

孝光

翹燕

綴紅躡鄰眼書窺隙

雨

仙睂墨暈窗狂吟心藥發

孝光

喜

聽足音足折望

見管子

風吹座

雨

鉤簾月墮江青藜如見

遇揮手出紛龐

孝光

神光樓與鄭明德聯句

藏書地肺穴歸巢湖領山秋清蕙葭露

祐

水落芙蓉灣

蟲飛燭見跋

雨

鶴唳棚上擲桂藁豈克隱

祐

草間斯投

閒脫幘鬢俱禿

雨

哦詩意殊慳驚颺攪墜葉

祐

疏櫺裊

藜蔕爐溫夕熏罷

雨

汀寒夜舟還瀛嶼倚突兀

祐

海圖

挂欄編熊經諒方煦

雨

豹隱知難攀遙聞城門柝

祐却

撫刀頭環濡毫瀝蟾滴

雨

拄頰揮魚頌

祐

倚牆童餉熟

雨

覆杯酒腸孱神光出葭莢

祐

澄懷斬茅管氣存驗當

宁

雨

道克甘抱關腥腐孰不死

祐

伐洗我獨頑仙從琴

心舞

雨

聖視鼎胙攸

黎明官祭
和靖祠

出處匪異致

祐

躁靜難

同班淵宅鑑量氣

雨

天游滌神奸緬昔鄒塢築

祐

餘此

巾枳殷

雨

併乏麥飯饗

祐

益重黎毗瘰兩彈聞鵲血

雨

重洒化鶴潛窮閭却灰聚

祐

故國亡詩刪於焉遁葛井

雨 豈徒慕商顏茹芝腹能實 祐 飲菊姿逾嫵披雲陟

砮 雨 臨池漱潺湲神鯉破網出 祐 乳狸據裯跼 雨 煙際

挈畫鷁 祐 掌中餽白鷗去鄉吳音融 雨 支頤越吟艱一

世更聚散 祐 多岐重憂患睽違隔風雨 雨 空聞珮珊珊

祐

集太白語酬僧淨月

主人碧巖裏為余話幽栖真訣自從茅氏得風流還與
遠公齊滿堂空翠如何埽而君解來一何好白玉麈尾

談重玄琉璃硯水常枯槁蒼蒼雲松拂彼白石世人聞
此皆掉頭就中與君心莫逆袖拂紫煙去空中聞天雞
借問蘇耽鶴早晚向江西

鐵崖先生跋曰予觀貞居子集句詩政如冶城銅像捧額


珠蓮座于長干也可寶可玩太白見之當曰吾錦千萬機衣被天下詩人烏得割截如此貞居子其慎取之哉

勿俾責償也會稽楊維禎跋

集王摩詰書語六言二首

寒犬吠聲如豹夜春相應疎鐘華子岡頭清月照人獨
坐山中

夜深僮僕靜
默月明輞水淪
連獨與山僧飯
訖寒林遠
火初然



元詩選初集卷六十六